

საქართველოს მთავრობის

დადგენილება №31

2018 წლის 25 იანვარი

ქ. თბილისი

საქართველოს დაზვერვის სამსახურის მოსამსახურეთა თანამდებობრივი სარგოების განაკვეთების შესახებ

მუხლი 1

„საქართველოს დაზვერვის სამსახურის შესახებ“ საქართველოს კანონის 21-ე მუხლის მე-2 პუნქტის საფუძველზე:

1. დამტკიცდეს საქართველოს დაზვერვის სამსახურის (შემდგომში – სამსახური) მოსამსახურეთა თანამდებობრივი სარგოების კოეფიციენტები №1 დანართის შესაბამისად.

2. დამტკიცდეს სამსახურის დაზვერვის ოფიცრის ყოველთვიური თანამდებობრივი სარგოს კოეფიციენტები კატეგორიის მიხედვით, №2 დანართის შესაბამისად.

3. დამტკიცდეს სამსახურის სპეციალისტის ყოველთვიური თანამდებობრივი სარგოს კოეფიციენტები კატეგორიის მიხედვით, №3 დანართის შესაბამისად.

4. განისაზღვროს სამსახურის დაზვერვის ოფიცრის ყოველთვიური თანამდებობრივი სარგოსა და კატეგორიების შემდეგი შესაბამისობა:

ა) მეათე კატეგორია – სამსახურის უფროსის პირველი მოადგილე;

ბ) მეცხრე კატეგორია – სამსახურის უფროსის მოადგილე;

გ) მერვე კატეგორია – დირექტორატის უფროსი;

დ) მეშვიდე კატეგორია – დირექტორატის უფროსის მოადგილე, ინსტრუქტორ-კონსულტანტი, მთავარი სამმართველოს უფროსი;

ე) მეექვსე კატეგორია – სამმართველოს უფროსი, ინსტრუქტორი, მთავარი სამმართველოს უფროსის მოადგილე;

ვ) მეხუთე კატეგორია – სამმართველოს უფროსის მოადგილე, ექსპერტ-ანალიტიკოსი;

ზ) მეოთხე კატეგორია – განყოფილების უფროსი;

თ) მესამე კატეგორია – განყოფილების უფროსის მოადგილე.

5. სამსახურის მოსამსახურის თანამდებობრივი სარგოს ოდენობა დგინდება სახელმწიფო ბიუჯეტის შესახებ შესაბამისი წლის საქართველოს კანონით განსაზღვრული საბაზო თანამდებობრივი სარგოს ნამრავლით ამ დადგენილების №1, №2 და №3 დანართებით გათვალისწინებული ცხრილების მიხედვით განსაზღვრულ შესაბამის კოეფიციენტზე და აისახება სამსახურის სამტატო ნუსხაში.

6. მოსამსახურის (გარდა სამსახურის უფროსის, მისი პირველი მოადგილის, მოადგილის, დაზვერვის ოფიცრის IX და X კატეგორიებისა) თანამდებობრივი სარგოს განაკვეთის დადგენის მიზნით, თანამდებობრივი სარგოს მინიმალური და მაქსიმალური კოეფიციენტების ფარგლებში, სამსახურის უფროსი შეარჩევს კოეფიციენტს.



7. კოეფიციენტის შერჩევისას გათვალისწინებულ უნდა იქნეს მოსამსახურის სამსახურებრივი ფუნქციის შესასრულებლად აუცილებელი პასუხისმგებლობის ხარისხი, მოვალეობათა შესრულების სირთულე, შესაბამისი კომპეტენცია, კვალიფიკაცია და სამუშაო გამოცდილება.

8. სამსახურის დაზვერვის ოფიცერსა და სპეციალისტს კატეგორიას ანიჭებს სამსახურის უფროსი.

9. საქართველოს დაზვერვის სამსახურში სამხედრო სავალდებულო სამსახურის გასაველად ჩარიცხული და დაცვის თანამშრომლის თანამდებობაზე დანიშნული საკონტრაქტო მოსამსახურის თანამდებობრივი სარგო განისაზღვროს 110 (ას ათი) ლარის ოდენობით.

10. სამსახურის მოსამსახურეთა თანამდებობრივი სარგოების განაკვეთები დაფინანსდეს საქართველოს დაზვერვის სამსახურისათვის სახელმწიფო ბიუჯეტით გათვალისწინებული ასიგნებების ფარგლებში.

საქართველოს მთავრობის 2020 წლის 24 სექტემბრის დადგენილება №593 – ვებგვერდი, 25.09.2020წ.
 საქართველოს მთავრობის 2022 წლის 16 დეკემბრის დადგენილება №576 - ვებგვერდი, 16.12.2022წ.

მუხლი 2

„ნორმატიული აქტების შესახებ“ საქართველოს კანონის 25-ე მუხლის შესაბამისად, ძალადაკარგულად გამოცხადდეს „საქართველოს დაზვერვის სამსახურის მოსამსახურეთა თანამდებობრივი სარგოს განაკვეთებისა და დანამატის შესახებ“ საქართველოს მთავრობის 2014 წლის 7 თებერვლის №127 დადგენილება.

მუხლი 3

დადგენილება ამოქმედდეს 2018 წლის 1 იანვრიდან.

პრემიერ-მინისტრი

გიორგი კვირიკაშვილი

დანართი №1

საქართველოს მთავრობის 2020 წლის 24 სექტემბრის დადგენილება №593 – ვებგვერდი, 25.09.2020წ.
 საქართველოს მთავრობის 2022 წლის 16 დეკემბრის დადგენილება №576 - ვებგვერდი, 16.12.2022 წ.
 საქართველოს მთავრობის 2023 წლის 18 იანვრის დადგენილება №21 – ვებგვერდი, 20.01.2023წ.

საქართველოს დაზვერვის სამსახურის მოსამსახურეთა თანამდებობრივი სარგოების კოეფიციენტები

განისაზღვროს სამსახურის მოსამსახურეთა ყოველთვიური თანამდებობრივი სარგოების კოეფიციენტები (მინიმალური და მაქსიმალური ზღვრები):

№	თანამდებობათა დასახელება	თანამდებობრივი სარგოს კოეფიციენტი (მაქსიმალურის ჩათვლით)
1	სამსახურის უფროსი	7.8
2	სამსახურის უფროსის პირველი მოადგილე	7.3
3	სამსახურის უფროსის მოადგილე	7.0
4	დირექტორატის უფროსი	2.9-6.0
5	დირექტორატის უფროსის მოადგილე, ინსტრუქტორ- კონსულტანტი, მთავარი სამმართველოს უფროსი	2.8-4.9
6	სამმართველოს უფროსი, ინსტრუქტორი, მთავარი სამმართველოს უფროსის მოადგილე	2.7-4.2
7	სამმართველოს უფროსის მოადგილე, ექსპერტ- ანალიტიკოსი	2.3-3.5
8	განყოფილების უფროსი	2.1-3.0



9	განყოფილების უფროსის მოადგილე	1.9-2.8
10	მთავარი ბუღალტერი	1.8-2.7
11	დაცვის ოფიცერი	1.7-2.6
12	დაზვერვის ოფიცერი (კატეგორიის გარეშე)	1.5-1.7
13	ოპერატიული მორიგე	1.4-1.9
14	სპეციალისტი (კატეგორიის გარეშე)	1.2-1.4
15	დაცვის თანამშრომელი	1.0-1.5

დანართი №2

საქართველოს მთავრობის 2022 წლის 16 დეკემბრის დადგენილება №576 - ვებგვერდი, 16.12.2022 წ.

საქართველოს მთავრობის 2023 წლის 18 იანვრის დადგენილება №21 – ვებგვერდი, 20.01.2023წ.

სამსახურის დაზვერვის ოფიცრის ყოველთვიური თანამდებობრივი სარგოს კოეფიციენტები კატეგორიის მიხედვით

განისაზღვროს სამსახურის დაზვერვის ოფიცრის ყოველთვიური თანამდებობრივი სარგოს მინიმალური და მაქსიმალური ზღვრული კოეფიციენტები სამსახურის დაზვერვის ოფიცრის კატეგორიის მიხედვით:

კატეგორია	I	II	III	IV	V	VI	VII	VIII	IX	X
თანამდებობრივი სარგოს კოეფიციენტი	1.7-2.6	1.8-2.7	1.9-2.8	2.1-3.0	2.3-3.5	2.7-4.2	2.8-4.9	2.9-6.0	7.0	7.3

დანართი №3

საქართველოს მთავრობის 2022 წლის 16 დეკემბრის დადგენილება №576 - ვებგვერდი, 16.12.2022 წ.

სამსახურის სპეციალისტის ყოველთვიური თანამდებობრივი სარგოს კოეფიციენტები კატეგორიის მიხედვით

განისაზღვროს სამსახურის სპეციალისტის ყოველთვიური თანამდებობრივი სარგოს კოეფიციენტი სამსახურის სპეციალისტის კატეგორიის მიხედვით:

კატეგორია	I	II	III	IV
თანამდებობრივი სარგოს კოეფიციენტი	1.5-1.7	1.6-1.8	1.7-1.9	1.8-2.0.

